

**TEKS UCAPAN
YANG DIPERTUA MPSP
MAJLIS PENYAMPAIAN HADIAH ANUGERAH KOMUNITI
MAMPAN 2014
AUDITORIUM MPSP
3 SEPTEMBER 2015 (KHAMIS), JAM 2:30 PETANG**

Terima Kasih Saudara Pengacara Majlis

Yang Berhormat Tuan Phee Boon Poh

Ahli Majlis Mesyuarat Kerajaan Negeri Pulau Pinang

Merangkap Pengerusi Jawatankuasa Kebajikan, Masyarakat Penyayang
dan Alam Sekitar

Yang Dihormati Ahli Majlis-Ahli Majlis

Majlis Perbandaran Seberang Perai

Yang Berusaha Tuan Sr Haji Rozali Bin Haji Mohamud

Setiausaha Perbandaran

Majlis Perbandaran Seberang Perai

Yang Berusaha Encik Kesavan Swaminathan

Naib Presiden

Flextronics Technology (Penang) Sdn Bhd.

Ketua-Ketua Jabatan dan Pegawai

Majlis Perbandaran Seberang Perai

Rakan-rakan Media

Tuan-Tuan dan Puan-Puan hadirin yang dihormati sekalian,

**Assalamualaikum Warahmatullahi Wabarakatuh, Salam Sejahtera
dan Selamat Petang**

Alhamdulillah, bersyukur kita kehadrat Allah S.W.T kerana dengan izin dan limpah kurniaNya dapat kita bersama-sama pada petang ini untuk Majlis Penyampaian Hadiah Anugerah Komuniti Mampan 2014. Terlebih dahulu saya bagi pihak Majlis Perbandaran Seberang Perai ingin merakamkan ucapan setinggi-tinggi penghargaan dan terima kasih kepada Y.B. Tuan Phee Boon Poh, Encik Kesavan Swaminathan, Naib Presiden Flextronics Technology (Penang) Sdn Bhd dan semua yang hadir pada petang ini.

Yang Berhormat, Tuan-tuan dan Puan-puan sekalian,

Untuk makluman, Anugerah Komuniti Mampan 2014 adalah salah satu daripada program di bawah Program Local Action 21 Majlis Perbandaran Seberang Perai dengan kerjasama dan tajaan daripada Flextronics Technology (Penang) Sdn Bhd dan merupakan tahun ke tiga program ini

diadakan. Ucapan ribuan terima kasih kepada Flextronics Technology (Penang) Sdn Bhd kerana sudi menaja program ini untuk tahun ke tiga dan memberi sumbangan wang tunai sebanyak RM11,500.00 sebagai hadiah kepada penyertaan yang berjaya melaksanakan komuniti mampan. Saya berharap kerjasama dan penajaan ini akan berterusan dan dijadikan acara tahunan untuk tahun hadapan dan seterusnya.

Tujuan Anugerah ini adalah untuk memberikan pengiktirafan kepada inisiatif-inisiatif hijau yang dijalankan oleh komuniti dalam menjaga kualiti alam sekitar dan kemampanan komuniti seperti yang termaktub di dalam Pelan Tindakan Local Action 21 Seberang Perai. Prinsip LA 21 digalakkan bagi melahirkan sebuah masyarakat dan komuniti setempat yang sihat dan peka terhadap isu-isu alam sekitar untuk diseimbangkan dengan perkembangan ekonomi dan pembangunan sosial.

Dalam anugerah ini, aktiviti-aktiviti inisiatif komuniti mampan yang boleh dijadikan rujukan peserta adalah seperti :

- Kitar semula
- Pengasingan di punca (*Segregation at source*)

- Kompos
- Eco Enzim
- Jus Enzim
- Penanaman pokok, pengindahan dan pembersihan kawasan
- Kebun kejiranan
- Sesi pendidikan berkenaan dengan isu pembangunan mampan
- Kesedaran ke atas rancangan kemajuan, impak alam sekitar, sosial dan ekonomi
- Kesedaran dan penyertaan dalam program MPSP dan agensi lain
- Pemeliharaan dan pemuliharaan alam sekitar, bukit, sungai dan tasik
- Skim menganak-angkat kemudahan awam
- Skim pengawasan kejiranan dan kawalan keselamatan
- Sambutan Perayaan Hari Kebesaran
- Cintai kemudahan awam
- Gotong-royong
- Penyediaan kemudahan bagi kumpulan OKU dan warga emas

Ini hanya contoh untuk menambahbaik kualiti alam sekitar dan kemampanan komuniti. Sekiranya tuan-tuan dan puan-puan mempunyai

inisiatif yang lebih baik adalah digalakkan untuk dipraktikkan di kawasan perumahan masing-masing.

Program Anugerah Komuniti Mampan 2014 ini adalah terbuka kepada semua Persatuan Penduduk yang berdaftar, Rukun Tetangga (RT), Jawatankuasa Keselamatan dan Kemajuan Kampung (JKKK), Joint Management Body (JMB) dan Management Corporation (MC) di kawasan Majlis Perbandaran Seberang Perai.

Bagi aspek pemarkahan pula, profil kejiranan, profil komuniti, profil organisasi, inisiatif komuniti ke arah kemampanan dan kemajuan diambil kira. Selain itu, aspek inisiatif bagi integrasi sosial, kejiranan hijau, kejiranan selamat, tadbir urus dan keusahawan diambil kira dalam penilaian. Panel penilaian diketuai oleh Flextronics dan dianggotai oleh Pasukan Kerja LA 21 MPSP. Saya dimaklumkan untuk Anugerah Komuniti Mampan 2014 lawatan panel penilaian dijalankan sepanjang tahun untuk memberi nasihat kepada komuniti bagi meningkatkan kerja penjagaan alam sekitar dalam pengurusan sisa domestik.

Kriteria-kriteria penilaian adalah seperti berikut:

- i - Perancangan dan pengurusan - 20 markah
- ii - Amalan sisa sifar (4R) - 40 markah
- iii - Kebersihan dan penghijauan - 20 markah
- iv - Penglibatan komuniti - 20 markah

Untuk makluman, YB, Tuan-tuan dan Puan-puan sekalian,

Pada tahun 2013 sebanyak lapan penyertaan diterima dan kesemuanya telah menerima anugerah bagi inisiatif yang telah dilaksanakan dan pada tahun 2014 sebanyak lima belas penyertaan diterima. Pada tahun ini, Flextronics menaja sebanyak 15 hadiah. Pemenang akan memperolehi ganjaran berbentuk wang tunai dan sijil penghargaan.

Tempat Pertama : RM 2,500.00 dan Sijil Penghargaan

Tempat Kedua : RM 1,800.00 dan Sijil Penghargaan

Tempat ketiga : RM 1,000.00 dan Sijil Penghargaan

Tempat keempat : RM 700.00 dan Sijil Penghargaan

11 Hadiah Saguhati : RM 500.00 dan Sijil Penghargaan

YB, Tuan-tuan dan Puan-puan sekalian,

Untuk makluman, MPSP fokus untuk mewujudkan masyarakat berorientasikan 4R (*Rethink, Reduce, Reuse* dan *Recycle*) kerana kita mempunyai penjanaan sisa yang tinggi, kekurangan tempat pelupusan sampah serta peningkatan kos pengurusan sampah, pembuangan sampah haram dan pengurangan impak kepanasan global. Masyarakat perlu meningkatkan usaha untuk menghalang produk menjadi sisa, mengguna produk sehingga tidak boleh diguna dan seterusnya mengasingkan sumber yang boleh dikitar semula. Komuniti yang mengambil bahagian dalam anugerah ini turut menjalankan program sisa sifar iaitu 4R di mana tumpuan utama adalah ke arah proses kitar semula, membuat kompos sisa organik dan kebun kejiranan bagi mencapai kemampanan komuniti. Oleh itu, dalam makna mencapai hasrat tersebut, MPSP memberi latihan kepada komuniti yang mengambil bahagian dalam penjagaan alam sekitar, pengurangan sisa-sisa buangan dan pemeliharaan sumber.

Yang Berhormat dan Para hadirin sekalian,

Sebagai makluman semua, pada tahun 2013, MPSP telah mencapai kadar kitar semula melebihi 32% dan peratusan ini telah meningkat kepada 35% pada tahun 2014. Sehingga Ogos 2015 kadar kitar semula adalah sebanyak 39%. Kadar kitar semula dapat ditingkatkan jika kita melakukan pengasingan di punca. Di peringkat Persekutuan pengasingan di punca telah dijalankan pada 1 September 2015 manakala di peringkat Negeri akan dijalankan pada 1 Jun 2016. Untuk merealisasikan konsep *eco-town* dan *low carbon city* di Seberang Perai, 4 prinsip seperti berikut perlu diamalkan setiap masa:-

- i. Anggap sisa itu sebagai sumber
- ii. Pendekatan bersepadu dalam pengurusan sumber di mana semua pihak perlu bersama-sama terlibat untuk menjayakan konsep ini.
- iii. Mencari penyelesaian bagi memperolehi faedah berbagai dalam pembangunan ' *zero carbon* '
- iv. *Eco-town* sebagai model untuk diperluaskan di semua peringkat.

Dalam Bajet 2015, MPSP telah peruntukan sebanyak RM93.68 juta (38.4%) untuk pembersihan. Manakala dalam pembentangan Bajet 2016 baru-baru ini, MPSP telah memperuntukkan sebanyak RM98.99 juta

(37.3%). Peningkatan sebanyak RM5.31 juta menunjukkan MPSP sangat mengutamakan kebersihan dan saya berharap para hadirin semua dapat membantu menjadikan Seberang Perai lebih bersih, hijau, selamat dan sihat selaras dengan hasrat Kerajaan Negeri.

Sebelum mengakhiri ucapan, saya mengucapkan ribuan terima kasih sekali lagi kepada Flextronics Technology (Penang) Sdn Bhd yang menaja hadiah-hadiah dan bekerjasama dengan MPSP dalam Anugerah Komuniti Mampan ini. MPSP sangat berbesar hati dan berharap Flextronics Technology (Penang) Sdn Bhd dapat terus menaja anugerah seperti ini di masa dan tahun-tahun yang akan datang. Di samping itu, saya juga berharap lebih banyak lagi syarikat-syarikat besar di luar sana akan mengikut jejak langkah Syarikat Flextronics Technology untuk menjayakan hasrat MPSP dan Kerajaan Negeri Pulau Pinang ke arah mencapai *“International World Class Intelligence City”*.

Sekian, Wabillahitaufik Walhidayah Wassalamualaikum Warahmatullahi Wabarakatuh. Terima kasih.